

## НА ХВАЛИТЕХ

**Стихиры новомучеником, глас 8.**

**Подобен:** О, преславнаго чудесе:

**1. Стих:** Хвалите Егó в тимпáне и ли́це,/ хвалите Егó во стру́нах и оргáне.

**О,** преславнаго чудесе!/ В последняя времена возсиявают мученицы/ и прелести мрак отгоняют,/ вера христианская ныне возвышается/ и падает нечестие,/ радуются вернии/ и праздник новоявленным составляют,/ вопиюще Христу Богу:/ мучеников похвала и победа Ты еси, Всесильне.

**Творение святителя Афанасия Ковровскаго.**

**2. Стих:** Хвалите Егó в кимва́лех доброгласных, хвалите Егó в кимва́лех восклицáния./ Вся́кое дыха́ние да хва́лит Го́спода.

**Веры** бронями,/ и щитом благодати,/ и креста копием вооружившися,/ сопротивным силам непобедими бысте/ и, яко Божественнии храборницы,/ демонская ополчения победивше,/ со ангелы ликуете,/ верныя же заступаєте, и освящаете,/ и спасаете, призываемии.

**Творение святителя Афанасия Ковровскаго.**

**3. Стих:** Мне же зело́ че́стни бы́ша/ дру́зи Твои́, Бо́же.

**О,** преславнаго чудесе!/ Чудес светлостьюми/ солнца светлейше/ присно святии сродницы наши/ светят концем Русския земли,/ от невечерняго Света облистаеми,/ ихже сиянии/ облацы от страны нашея отгоняются варварстии/ и демони побеждаются.

**4. Стих:** Изочтú их/ и пáче песка́ умно́жатся.

**Слава, глас 6:**

**Н**овоявленные звéзды днёсь/ на церковней показашася  
твёрди,/ во мнозех местех бывшии мученицы Христóвы,/  
íхже ублажающе, мучениколю́бцы,/ по долгу им прирцем,  
глагóлюще:/ радуйтеся, благочестия утверждение и нечес-  
тия обуздáние;/ рáдуйтеся, Российския Церкви славо и без-  
божных посрамлénие;/ радуйтеся, образи терпения и за  
Христа страдáния./ Станите, непобедимии, посреде нас  
úмне,/ от бед и искушений избавляюще, // и молитеся о спа-  
сении душ наших.

**И ныне,** Богородичен.

## НА ЛИТУРГИИ

По входе:

**Тропарь воскресен гласа.**

**Тропарь новомучеником, глас 4:**

**Д**несь радостно ликует Церковь Русская, / прославляющи новомученики и исповѣдники своя: / святители и иереи, / царственныя страсотѣрпцы, / благоверныя князи и княгини, / преподобныя мѹжи и жены / и вся православныя христианы, / во дни гонения безбожнаго / жизнь свою за веру во Христа положившия / и кровью Истину соблюдшия. / Тех предстательством, Долготерпеливе Господи, / страну нашу в Православии сохрани // до скончания века.

**Слава, Кондак новомучеником, глас 3.**

**Подобен:** Дева днесь:

**Д**несь новомученицы Россійстии / в ризах белых предстоят Агнцу Божию / и со Ангелы песнь победную воспевают Богу: / благословение, и слава, и премѹдрость, / и хвала, и честь, и сила, и крепость // нашему Богу во веки веков. Амѹнь.

**И ныне, кондак воскресен гласа.**

**Прокимен, Апостол, Евангелие и Причастен воскресны гласа.**

**И новомучеником прокимен, глас 7:** Бог нам прибежище и сила, / помощник в скорбех, обретших ны зело. **Стих:** Помощник в скорбех, обретших ны зело.

**Причастен:** Радуйтесь, праведнии, о Господе: